

Abang kandung tiada hati perut rogol adik OKU ditahan

KOSMO
2/9/2015
m/s 13

Oleh SAJIDA ASARULAH KHAN



JEMPOL – Seorang gadis orang kelainan upaya (OKU) menempuh detik hitam apabila dia disyaki dirogol oleh abang kandungnya sendiri di sebuah rumah di Felda Palong Tujuh di sini kelmarin.

Perbuatan terkutuk itu dipercayai berlaku ketika mangsa yang berusia 22 tahun tinggal bersama suspek sementara ibu dan bapa mereka keluar ke kebun.

Kejadian itu bagaimanapun terbongkar apabila ibu bapa mangsa

yang pulang ke rumah pada pukul 12.30 tengah hari, pada hari yang sama mendapati anak mereka yang menghidap sindrom Down menangis.

Ketua Polis Daerah Jempol, Superintendan Hamzah Alias (**gambar**) berkata, mangsa kemudian menceritakan kejadian itu kepada ibu bapanya melalui pergerakan badan sebelum satu laporan polis dibuat di Balai Polis Ladang Gaddes di sini.

Difahamkan, pada hari kejadian, suspek diarahkan menjaga mangsa

namun menggunakan kesempatan itu untuk merogol adiknya.

“Mangsa telah dihantar ke Hospital Tuanku Ampuan Najihah, Kuala Pilah untuk pemeriksaan dan pakar perubatan mengesahkan terdapat kesan koyak lama (pada kemaluan) dipercayai pernah dirogol sebelum ini dalam kejadian berasingan,” katanya ketika dihubungi di sini semalam.

Menurut Hamzah, susulan kejadian itu pihaknya menahan suspek yang berusia lingkungan 30-an tahun bagi membantu siasatan.

Pemuda itu kini direman selama seminggu dan kes disiasat di bawah Seksyen 376(B) Kanun Keseksaan.